

**Broj:06-03-869-09/21/09**  
**Mostar, 11.02.2010.godine**

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2) i člana 44. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 11. Pravilnika za izdavanje dozvola–licenci („Službene novine Federacije BiH“ broj 29/05), Regulatorna komisija za električnu energiju u Federaciji Bosne i Hercegovine – FERK je na II redovnoj sjednici, održanoj u Mostaru dana 11.02.2010. godine, donijela sljedeću

## **O D L U K U**

### **Član 1.**

Usvaja se tekst Obavještenja za javnost o podnesenom Zahtjevu za izdavanje prethodne dozvole za izgradnju proizvodnog objekta mHE „Kaljani“ podnosioca zahtjeva „ENERGONOVA“ d.o.o. Sarajevo, kako je predložen na dnevni red redovne sjednice.

### **Član 2.**

Obavještenje za javnost iz člana 1. ove Odluke objavit će se u „Oslobođenju“, „Dnevnom listu“ i na web stranici FERK-a, na dan 25.02.2010. godine.

### **Član 3.**

Obavještenje za javnost iz člana 1. ove Odluke je sastavni dio Odluke.

### **Član 4.**

Za realizaciju ove Odluke zadužuje se Sektor zajedničkih poslova.

### **Član 5.**

Odluka stupa na snagu danom donošenja i objavljuje se na oglasnoj tabli i web stranici FERK-a.

## **O b r a z l o ž e n j e**

Članom 14. stavom (1) Statuta FERK-a određeno je da FERK donosi opće i pojedinačne akte, dok je članom 12. stavom (1) Statuta FERK-a i članom 31. stavom (2) Poslovnika o radu FERK-a određeno da se konačno odlučivanje o pitanjima iz nadležnosti FERK-a utvrđene Zakonom vrši na redovnoj sjednici.

Član 44. Poslovnika o radu FERK-a i član 11. Pravilnika za izdavanje dozvola-licenci propisuju da nakon što je zahtjev za izdavanje dozvole primljen kao potpun, FERK objavljuje kratko obavještenje za javnost u jednom ili više pisanih medija koji izlaze na cijelom teritoriju Federacije BiH i na svojoj web stranici, sumirajući zahtjev za dozvolu. Istim članovima je propisano i da obavještenje sadrži i način na koji zainteresovane strane mogu dobiti informacije i uputstva zainteresovanim stranama kako mogu podnijeti komentare u pisanom obliku na zahtjev za dozvolu, prije završetka roka za komentisanje označenog u sažetku. Ujedno je propisano i da obavještenje za javnost sadrži i kriterije za sticanje statusa umješača, obavještenje kako se mogu podnijeti zahtjevi za umješače i da jedino podnosilac zahtjeva i umješači mogu učestvovati na raspravama tokom postupaka u vezi s dozvolama.

Dana 27.08.2009. godine FERK je od „ENERGONOVA“ d.o.o. Sarajevo pod brojem 06-03-869/21/09 primio Zahtjev za izdavanje prethodne dozvole za izgradnju proizvodnog objekta „Kaljani“. Postupajući po odredbi člana 39. Pravilnika o javnim raspravama i rješavanju zahtjeva i žalbi FERK-a, primljeni Zahtjev je pregledan u skladu sa članovima 10. i 36. Pravilnika za izdavanje dozvola-licenci. Nakon pregleda primljenog Zahtjeva, a postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a i članom 10. Pravilnika za izdavanje dozvola-licenci, FERK je podnosiocu zahtjeva 15.09.2009. godine uputio Obavještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-869-02/21/09 i odredio mu rok od osam dana radi otklanjanja uočenih nedostataka navedenih u obavještenju. Podnosilac zahtjeva je postupio u skladu sa Obavještenjem i u FERK dana 26.10.2009. godine pod brojem 06-03-869-04/21/09 dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 11.11.2009. godine uputio Zahtjev za informacijama broj 06-03-869-05/21/09, a u povodu kojeg je podnosilac zahtjeva dostavio 26.11.2009. godine FERK-u dopis primljen pod brojem 06-03-869-06/21/09, te dana 01.12.2009. godine dopis primljen pod brojem 06-03-869-07/21/09, a dana 15.01.2010. godine dostavio u FERK dopis primljen pod brojem 06-03-869-08/21/09, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev kompletan i da su se stekli uslovi za objavu obavještenja za javnost o podnesenom zahtjevu.

Na osnovu navedenog, odlučeno je kao u dispozitivu ove odluke.

**PREDSJEDNIK FERK-a:**  
Zdenko Šimunović s.r.